

frevele motwillige rebelles erkennen umb gottes willen vorgetinge und gnade bidden.

2. Thom andern scholde wy öhme huldigen, loven unde schweren, dat wy uns henforder nicht mehr ahne sinen willen mit keinen herrn noch steden ihn buntnisse begeven noch radt hulpe und trost socken.

3. Thom drudden forderde he der stadt schlotel, bussen, lodt und krut.

4. Thom veerden der stadt beede cristlicke und weldtlicke lhene.

5. Thom vofften des gantzen furstenthumbs brandtschaden, so ihn margraff Albrechts vom Nurmberge lermen und kriegslofften gescheen, ohme scholden betalen.

6. Thom sestem scholde wy ohme hir ihn der stadt ein castele nha sinem willen buwen.

7. Thom seveden ohme up alle dusse artickel ihn 5 dagen thon Calenberge antwordt ynbringen und 70000 goldtgulden vorehren.

Des ist ohme eine summa geldes gegeben, dar he mede gestillet und uns by gnaden und friheiden erlaten und bestediget.

Dut is so warhafftig gescheen; dar bin ick (Antonius von Berckhusen) by, ahn und over gewesen.